



UNIVERSITÄTS-  
BIBLIOTHEK  
PADERBORN

**Chronicon Monasterii Bödecensis Ordinis Canonic. Regul.  
S. Augustini in Diœcesi Paderbornensi**

**Probus, Johannes**

**Monachij, 1731**

**VD18 12260568**

Caput III. Quomodo prædictum Canonissarum Monasterium ad Canonicos  
Regulares sit translatum.

---

[urn:nbn:de:hbz:466:1-64645](https://nbn-resolving.org/urn:nbn:de:hbz:466:1-64645)

C A P U T III.

*Quomodo prædictum Canonissarum Monasterium ad  
Canonicos Regulares sit translatum.*

**E**Rat quidam Clericus Paderbornensis Diœcesis, homo satis devotus, nomine & cognomentô Bernardus Plus vocitatus de Familia Reverendî Wilhelmi de Monte, Electi Ecclesiæ Paderbornensis, & Confirmati: Hic inquam Clericus non casu, sed DEI ordinatione quodam tempore ad Monasterium B. MARIÆ semper Virginis Canoniorum Regularium in Territorio Nobilium de Benthen situatum gressum suum fecit; Fratrum ibidem mores attendit, psallentes audit, &, quidquid obtutui suo in eodem Monasterio præsentatur, peroptimè sibi placet, maximè tamen humanitatis beneficium, quod ibidem ei largô modô, & humiliter impensum fuit: pedes ipsi lavantur, calcei reficiuntur, liniuntur, &, quod majus est, socci novi calceis imponuntur. O veneranda hospitalitas à Patriarchis, & Prophetis, imò ab ipso Domino JESU Christo, & ejus Apostolis commendata! quot monasteria, quôtque bona ex præfato facto peperisti, sequentia declarabunt. Nam prædictus Deo dilectus Bernardus devoto Priori, ejûsque Fratribus supradicti Monasterij gratiarum actiones de sibi multipliciter impensis reddens, viâ quâ venerat, ad præmemoratum Ecclesiæ Paderbornensis Electum est reversus, & quidquid in supradictô Monasterio fervoris spiritualis, & devotionis, insuper & humanitatis vidit, eidem cum hilaritate mentis manifestat. Prædictus verò electus (velut à lampade lampas illuminatur, & accenditur) ita cor ipsius in fervorem ad Divinum Cultum augmentandum à fervido corde sui legati mirificè est accensum: Bernardus verò hujusmodi fervorem prædicti Electi audiens, humili prece eum rogat, & exhortatur, ut consimiles reformatos Regulares, apud quos pridem hospitaverat, in sua Diœcesi ad inhabitandum instituere velit; apud homines mira res, quæ sequitur, non autem apud Deum: nam antedictus electus in precem humilis sui servi consensum suum dedit, & dum inter ipsos de loco, quo idem ordo prædictorum Regularium convenientius instituendus esset,



esset, pertractatur, Monasterium B. MEINULPHI in Böddecken locis  
præfertur universis, & ne tale bonum per temporis intervalla con-  
tingeret interrumpi, sed magis ad Divini honoris augmentum per-  
duceretur, idcirco supradictus Ecclesiæ Paderbornensis Electus zelô  
Divini Cultûs accensus gratiofis suis litteris Religiosum ac devotum  
Dominum Joannem dictum de Wale Priorem Monasterij B. Lauren-  
tij Canonorum Regularium infra muros oppidi Swollis situati Tra-  
jectensis Diocesis ad se vocat, qui dum ad præsentiam præmemora-  
ti Ecclesiæ Paderbornensis pervenit, de translatione Monasterij Bea-  
ti MEINULPHI in Canonicos Regulares colloquium pertractatur: quô  
factô jussu & ordinatione sæpediti Electi antedictus Prior ad Præfa-  
tum Monasterium cum multitudine, ut singula ibidem videat, est  
adductus, & dum idem Prior ad Electum, est reversus, gravem,  
ac multum difficilem ad hujusmodi Monasterium acceptandum se  
ostentat, tum quia idem Monasterium, quali desolatum, & anni-  
hilationi proximum videbatur, tum etiam, quia bona ipsius, red-  
ditus, & proventus magna ex parte alienata erant, ut audivit, ta-  
men ut visio B. MEINULPHI de Cervo quiescente, quem, postquam  
instabiles Cervæ de loco, in quo Monasterium constructum, deces-  
serant, vidit, utique prævaleret, & effectum suum salutarem for-  
tiretur, supradictus DEO devotus Prior divinitus inspiratus animum  
suum ad Divinum inclinans onus, eodem tempore, annô videlicet  
Incarnationis Domini MCCCCIX. à Reverendo ac Nobili Wilhel-  
mo Ecclesiæ Paderbornensis electo, & confirmato, suoque Capitulo  
Monasterium B. MEINULPHI in Böddecken Sæcularium Canonissarum,  
in Canonicos Regulares transferendum gratiose, gaudentérque ac-  
ceptavit: sicque factum est juxta B. Viri visionem Cervis Canonis-  
sis, videlicet instabilibus à loco Monasterij Böddecensis recedenti-  
bus, Cervus Canonorum, videlicet quiescens & stabilis status,  
prout in præsentiarum cernitur, prædicti Monasterij locum de  
Gratia DEI occupavit, & servabit.



CAPUT